

蘇齊山莫卷第七

碑銘

有元高宗



施藏經碑

李齊賢 仲思撰

泰定四年二月... 臣恰等合中調者復于

王曰天子之... 中政院使忽篤帖木兒

受命天子之后... 僧性證寺人允堅等所進佛書

一藏歸諸清平山文殊寺施緡錢萬合取其息為皇太

...福各取其誕辰飯僧閱經歲以為凡...

益齋亂藁卷第七

高麗 李齊賢

仲思撰

碑銘

有元高麗國清平山文殊寺施藏經碑

泰定四年三月庚子僉議政丞臣恰等令中謁者復于王曰天子之近臣司徒剛塔里中政院使忽篤帖木兒受命天子之后伴來以僧性證寺人允堅等所進佛書一藏歸諸清平山文殊寺施緡錢萬合取其息爲皇太子皇子祈福各取其誕辰飯僧閱經歲以爲凡且曰樹

益齋集卷第七

一 粵雅堂叢書

碑以示永久臣等竊惟佛法入中國隨世興替且千餘歲皇朝謂其道無爲爲宗有契于聖理廣度爲心有補于仁政尊信之尤篤今旣以傳車輸其書數千里窮山之中又立食本以贍其徒斯乃佛者之幸也名山福地在天下不爲少不鄙弊邑爰置祝釐之所斯則非惟佛者之幸亦弊邑之幸也將大書特書誇耀無極况中宮有旨敢不祇承請付執筆者以記於是以命臣某其銘曰

於皇有元旣世以仁陽春時雨亭毒九垓乃眷金仙無



爲爲教用其土苴利生禁暴是崇是敬厚復其徒不徭  
不賦顛習其書其書千函浩若烟海妙析毫釐廣包覆  
載律繇戒立論自定興維經之演維慧之明路彼轡軒  
卓乎羊鹿載熏其香一林蒼菑俶哀于竺曰葉與難俶  
播于震曰騰與蘭梁取其秣我濟維穀訾石者唐我剖  
維玉伊澄伊堅服異心同旣成法寶以奏爾功天后爾  
嘉載謀之地曰維三韓樂善敦義維時維王我出我甥  
祝釐報上允也其誠于國之東之山之寺毋憚阻脩置  
郵往施發緡內帑俾轉食輪可繼以守誘王暨臣王拜

益齋集卷第七

二 粵雅堂叢書

稽首天子萬歲天后是偕本支百世鯁岑石爛鰈海塵  
飛維功德聚不騫不墮

光祿大夫平章政事上洛府院君方公祠堂碑

至正五年五月乙未左副代言中正大夫臣仁復傳王  
命于藝文春秋館若曰故平章政事上洛府院君臣祐  
宦于上國甚見寵任而能盡忠我家今雖云亡子惟  
念之在懷其令領館事臣某記其行實于碑用勸來者  
臣謹按方氏世爲慶尙道吳城縣士族其曾王父佑賢  
贈河南侯王父亮贈河南郡公父得世任榮祿大夫柱

國封義國公母金氏贈義國太夫人妻李氏密直司使  
光時之女封義國夫人皆以平章故加恩也平章小字  
小公忠烈王時給事宮中改名臣祐齊國大長公主性  
嚴明左右有過毫髮不貸獨以謹慎日見親信至元二  
十六年隨公主入朝因謁東宮裕聖皇后一見留之賜  
名忙古台成宗尊裕聖爲皇太后特授奉政大夫掌謁  
丞尋加通奉大夫泉府大卿武宗朝事壽元皇太后于  
興聖宮改將作院使進階正奉大夫兼掌謁卿帝曰忙  
古台宣力宮省年且勞矣朕嘉其功皇太后曰忙古台

益齋集卷第七

三  
粵雅堂叢書

自先太后時至今吾見其益勤而未見其少懈也進階  
榮祿大夫平章政事依前將作院使掌謁卿又曰高麗  
人善楷字孰能往使金書藏教以來非忙古台不可經  
成輦至京師則曰吾固知忙古台敏而能敬可屬大事  
奏定皇后遇之益厚晉邸老璫或毀之后曰忙古台逮  
事裕聖門習法度非汝曹所及特授太子詹事改徽政  
院使文宗天曆二年加光祿大夫儲慶司使事七朝二  
太后參掌機密獻納謀謨無不稱旨累賜貂裘珠衣帽  
金玉七寶腰帶江南腴田四千畝黃白金寶鈔不可勝



計三年乞退東歸修禪興寺極其壯麗日往來以致華封之祝聞召姻戚故人圍碁鳴琴蓋優游者十餘年今上皇帝至正壬午夏召還朝年七十六精力不衰上異之賜金龍繡衣寶鈔萬貫明年九月邁微疾庚寅卒于第特賜贈錢以禮歸葬墳在禪興寺後岡卽其寺中爲祠宇哀榮終始可謂無憾矣盡其忠于我者則至大間遼陽洪重喜訴忠宣王鑽甲事大臣求與王廷辨平章入侍興聖宮色有不豫太后問其故跪曰重喜高麗逋民也顧今與王爲兩造耶且王性剛必不能堪其辱臣

益齋集卷第七

四 粵雅堂叢書

恐不復見故主以此內憂耳因泣下沾襟太后感悟言之帝卽日斥去重喜皇慶初朔方蕃王八驢迷思率眾自歸朝議將處之鴨綠之東平章奏曰高麗地依多山無所田牧北俗居之必不樂徒令東民驚動或不能按堵耳仁宗然其言而止祿守耶律希逸爲征東省官既受命矣平章白興聖宮以爲高麗樹功帝室非一世矣衣冠典禮不改其舊惟世皇詔旨是賴今遣祿守等無乃非世皇意乎於是有旨留祿守等勿遣倒刺沙之爲左相也王立省之議甚力平章白中宮諭輔臣如前意

倒刺沙議誦事遂寢由是忠宣忠肅兩王皆體貌之爵  
上洛府院君階三重大匡號推忠敦信翼亮功臣今嗣  
王又命銘其功德垂耀無極所以褒崇之者亦至矣竊  
惟國家世承皇朝釐降之恩王宮侍從寅緣通籍于闕  
庭固不爲少而能以忠信保其寵祿者幾希况能導宣  
德澤以利父母之邦乎若平章者其可尚也已是爲銘  
銘曰

大微宮庭嘒彼四星皇位之側

其一

顯允方公迪簡海東

入奉壺則

其二

旣敏以明亦敬以誠乃宣乃力

其三

乃心恭

益齋集卷第七

五

粵雅堂叢書

桑拳拳不忘扶我宗國

其四

於粲禪坊有貌在堂時事無

忒

其五

有圭者碑式鐫銘詩後者矜式

其六

大都南城興福寺碣

佛教之因果脩善獲報猶漑根食實用能誘掖羣迷以  
就功德京師南城之又南有寺曰興福去城市不遠蕭  
然有邱壑趣檀施者日來而釋子可以取養而修真也  
日高麗僧元湛購地五畝與其徒崇安法雲等肇基而  
堂之有長城郡夫人任氏亦高麗人自世祖皇帝時遇  
知於椒闈賞賚甚厚常思有以祝釐報上者莫爲之計



聞是舉也喜出楮幣若干緡以贍土木經營之費入腴田五十畝以充晨昏供養之需鳩工庀材上棟下宇經始于皇慶二年秋落成於延祐四年春薨柩之崇房櫛之潔於粢齋廚有嚴像設若有相之能事畢矣仍約世以高麗衲子主盟熏席蓋爲其能精於戒律也嘻湛安及雲暨任夫人去鄉國數千里不期而萃作爲勝事力省而功備茲非宿因之所致乎自時以往上以奉福朝廷下以霑利生靈天宮旣見身子之繩大風不燼貧女之燈果報之說其亦有徵哉予固東人而與湛輩遊敢辭文其語以諭來者

益齋集卷第七

六 粵雅堂叢書

海東曹溪山修禪社第十世別傳宗主重續祖燈

妙明尊者贈諡慧鑒國師碑銘 并序

粵若大浮圖出處語默皆非苟也出處係乎時語默存乎機所以發明其道以覺後覺者也故慧鑒國師其若時者乎諱萬恒俗姓朴氏考進士諱景升熊津郡人也師以儒家子爲僧幼穎悟能自強於學長益不怠赴九山選中魁科拂衣往楓岳夏滿移栖智異山饑不重味寒不襲裘脇不至席者累稔跡晦而名彰忠烈王命住

三藏社其師曹溪圓悟和尚亦諭之乃往後歷主朗月  
雲興禪源等社凡經指授若賸而聆若酌而醒弟子至  
七百士大夫握衣入社者不可勝計中吳異蒙山見其  
文偈歎賞不已賡和十數仍貽書致古潭之號皇慶癸  
丑太尉王謙居永安宮安車卑辭邀至京城時方聚禪  
教名流日以次講論師至捧喝風生辯若懸河王喜甚  
行同興手捧饌加法號別傳宗主重續祖燈妙明尊者  
袈裟衣裙帽襪先銀幣五十鎰以贖師還山悉以付常  
住不歸於私延祐己未七月遘疾將移棲遍告山前一

益齋集卷第七

七

粵雅堂叢書

夕南峯大木自仆赤椶巨山谷至八月十八日剃浴更  
衣修遺書自占葬地夜女喚侍者搥鼓披袈裂據禪牀  
聲喝告別其畧曰廓清五蘊真照無窮死生出沒月轉  
空中吾今下脚誰辨元蹤告爾弟子莫謾捫空禪者景  
瑚問以去住之意則有何處不相逢渡河不用筏等語  
拍膝叉手含笑而化闍維塔于寺之良岡壽七十一臘  
五十八訃聞王心惻悼贈諡慧鑒國師塔曰廣照之塔  
初母鄭氏夢天降翠幕有童子肌肉如冰玉就視之遂  
合掌躍入鄭氏懷及寤如納斗大石胞中砒藥之不效



以己酉八月六日誕師因名慕兒洎示寂帶方郡民名  
白太者夢師登翠幕天去怪而明日奔至寺師已逝銘  
曰

師之德溫而直淵而塞師之學博以約精以確海印其  
心獅子其音曹溪其任挺普照之鑰振圓悟之鐸斷蒙  
異之堽道之所存王者屈尊重幣華軒賁于山門釋子  
旁午湊我法乳法乳斯普萬彙時雨匪晦而隱害富其  
攜匪作而奮疇究其蘊既善諸身克利于人刻銘貞珉  
焜燿千春

益齋集卷第七

八  
粵雅堂叢書

有元高麗國曹溪宗慈氏山瑩源寺寶監國師碑

銘并序

近世有大比丘推明佛祖之道以開來學曰普覺國尊  
其徒蓋數百十人而能鑽堅挹深妙契啐啄者惟寶監  
國師爲然國師諱混邱字邱乙舊名清玠俗姓金氏考  
贈僉議評理諱宏富清風郡人也媿黃驪閔氏女禱于  
福靈寺觀音像以忠憲王二十七年辛亥七月二十七  
日誕焉幼與羣兒戲聚瓦石爲塔廟休則面壁若有思  
念形貌端嚴性又慈祥故親戚目爲小彌陀十歲投無

爲寺禪師天鏡祝髮以九山選首登上上科棄去從普覺學自詭非睹閩奧不止始普覺夢一僧來自謂五祖演詰朝師往謁心獨怪之及是嘆其敏而勤語眾曰吾夢有徵矣泊嗣席開堂其帥眾規繩講若畫一而雍容閑雅過之宗烈王賜伽梨法服累下批至大禪師德陵卽政特授兩街都僧統加大師子王法寶藏海國一之號皇慶癸丑德陵謝位處永安宮屢遣中使輿而致之從容談道或至日暮於是諭國王以祖宗舊例冊命師爲悟佛心宗解行圓滿鑒智王師兩王同樞衣請益前

益齋集卷第七

九粵雅堂叢書

古未有旣數年乞退甚懇評之因命住瑩源寺寺本禪院元貞中爲智者宗所有以師故始復其舊焉至至理二年冬十月感疾移錫于松林寺修遺書封印付侍者越三十日盥浴說法別眾其畧曰荆棘林中下脚干戈叢理藏身今日路頭果在何處白雲斷處是青山行人更在青山外旣乃還方丈據牀而逝師沈厚寡言學無不窺爲詩文富贍有語錄兩卷歌頌雜著二卷新編水陸儀文二卷重編指頌事苑三十卷行叢林閒中吳蒙山異禪師嘗作無極說附海舶以寄之師默領其意自



號無極老人報年七十三僧夏六十三王聞訃追悼贈  
諡寶鑒國師塔曰妙應仍命臣某書其德行于碑臣聞  
佛氏喜言福智修己而物應者也缺一於二不足以自  
立甯能信於人乎師凡七增秩六錫號九厯名藍再住  
內院爲一國釋林之首受兩王函丈之禮人無異論咸  
謂之宜非所謂福智二嚴者疇克如是哉其撰詞刻石  
傳示後世臣可以無愧矣銘曰

負彼心宗逾海而東厥派爲九道義其守繩繩仍昆代  
有哲人守正矯失雲門之一博學篤行鱗角之明顯允

益齋集卷第七

十  
粵雅堂叢書

鑒智侯其嫡嗣淵乎其懷卓乎其才爰踵其患王于禰

于祖既主宗盟諸方盡傾旁涉書史研精究理奮筆爲  
文秋濤春雲王于體貌寵以嘉號匪惟寵之北面以師  
釋木慶賴師不自大掛錫雲山陰福區寔慧晷忽匿王  
心是惻俾臣作銘揚芬億齡匪學斯悖匪思斯曠有緇  
其衣勗哉我希

王順妃許氏墓誌銘

維皇元後至元元年歲在乙亥月日高麗國王順妃薨  
春秋六十五姓許氏孔巖郡人也曾祖諱京皇檢校尙

書右僕射行禮賓少卿知制誥祖諱遂皇銀青光祿大夫樞密院副使禮部尚書翰林直學士承旨考諱珙皇匡靖大夫僉議中贊修文殿大學士監修國史判典理司事世子師贈諡文敬公配饗忠烈廟莫不才高視草擅手筆於擣華任重調梅煥腰章於累葉而文敬克勤克儉不吝不驕溫溫惟德之基蹇蹇匪躬之故積善有慶不亦宜乎妃英精毓發麗質方娥橫月玉簫感秦樓之鳴鳳映波羅襪步洛浦之游龍至大已酉冊爲王順妃無言成桃李之蹊有信奉蘋蘩之祀綠衣之諷不興

蘇詩集卷第七

十一 粵雅堂叢書

於時 之書足信于世有男三人女四人長曰順正君壽本朝錫爵稱府院大君天子疏恩拜翰林學士次曰雙峯長老慈覺脫身紈綺抗志烟霞被法匠之推尊號禪師而加大次曰懷仁君損習狄鞮之語參虎衛之行例冢分茅何止說三韓公族名揚剖竹久已爲兩浙州官女長曰永福翁主適襄陽君金臺彥次曰延禧翁主適中書左承吉吉反懿妻知敬仲之賢苗氏見韋郎之孝以今况古亦無愧矣次則伯顏忽篤皇后也道太真以霓裳琴瑟之和已洽貯阿嬌於金屋翟榆之寵俄



崇妃由是芝綸得賜於華冠簞茀親朝於藻闥累內帑  
之珍錫奉璽命以榮歸開紺宇之檀筵寫珣函之貝典  
祝釐報上可謂至矣次日慶甯翁主適慶陽君盧頊愛  
鍾於季邗無九十之儀配得其賢罔有二三之德今則  
懷仁去水陸萬里想猶阻於訃音皇后處雲霄九重義  
莫臨於哭位順正雙峯永福延禧並先晞於薤露嗟永  
負於棘風故於妃之喪自斂及葬唯慶甯翁主與慶陽  
君獨得以盡心焉屬纊而哀動城崩蓋棺而淚傾河注  
以明年丙子二月壬寅窆于德水縣甌山之原禮也且  
徵拙筆用勒幽銘豈比蜀王枉殉佳人之鏡惟慚漢客  
曾題幼婦之碑銘曰

益齋集卷第七

十一  
粵雅堂叢書

於赫許宗興自國初世濟其美史不絕書文敬謙謙敦  
儉慎德天胙陰功猶播有穡儲祥夢虺有女之英芙蓉  
讓麗蘭茵羞馨既沐銀潢載繁玉葉寵溢門閭光增譜  
牒不甯一宗邦人仰之不甯一邦天子賞之年踰耳順  
終始哀榮青鳥上北方相啓行鬱彼佳城臨平之阜邦  
君之妃皇后之母

推誠亮節功臣重大匡光陽君崔公墓誌銘

并序

完山崔氏自禮部郎中鈞死節西一作東賊爲名家其子

甫淳相高王諡文定文定生奉御允偁奉御生學士召

學士生贊成事毗一娶司宰卿辛洪成之女生公公五

易名阜璫琇實最後名誠之字純夫號松坡未弱冠以

進士及至元甲申第管記雜林入補史翰選爲春宮屬

隨德陵朝元執政畏惡德陵百計誘之使去公笑曰窮

達在天怵於利非士也及大德末扶皇大弟定內艱擁

立武宗皇帝公常居左右贊襄之人無知者由朝顯總

郎六遷爲三司左使階奉翊尊轉僉議評理三司使僉

益齋集卷第七

三 粵雅堂叢書

議贊成事階重大匡號推誠亮節功臣封光陽君德陵

如吐蕃公之子文度聞難馳赴道遇公與俱追至關西

僧圓明叛阻兵中南不得前事定踰隴抵洮鬼域之境

單騎不可行留洮上半年方還會本國人分黨相許朝

廷議立省比內地公與前宰相金廷美李齊賢等獻書

陳利害遂寢其議瀋府僚佐又疏國家得失將言之府

堂公獨不肯署最後主謀者司坐府中令錄事持紙筆

請署公厲聲曰吾嘗備位宰相僉錄欲相脅耶眾沮喪

泰定甲子上書求退得允以光陽君家居畜聲妓召賓



客清談雅笑不問人間事至順庚午感疾至七日癸亥卒于第壽六十五有司庇喪事諡文簡公公性剛直不妄語字畫楷正詩醞籍可喜尤遂陰陽推步之法任風憲選舉星官詞苑且二十年德陵眷遇終始無出右者嘗闢春場取安震等三十三人名士居多夫人金氏贊成事鈍村居士暉之女賢有行先三年亡一子前上護軍文度讀書喜程朱學先達皆從之遊一女適萬戶密直副使權謙云銘曰

爲名家之嗣得其君而伸其志進以禮而退以義有賢

益齋集卷第七

丙

粵雅堂叢書

妻以養其生有良子以送其死求之今時十無一二嗚呼光陽可無憾矣

匡靖大夫僉議參理上護軍羅公墓誌銘

至正四年甲申八月己丑匡靖大夫僉議參理羅公卒王命有司弔諫贈諡良節其年十一月庚寅以禮葬于松林縣藥師院之北原公諱益禧籍貫羅州三韓功臣大匡諱聰禮十一世孫曾祖諱孝全皇贈太中大夫禮部尚書知都省事祖諱得璜皇金紫光祿大夫守司空尚書左僕射判戶部事致仕皇懷遠大將軍管軍二萬

戶奉翊大夫知密直司事軍簿判書上將軍世子元賓  
諱裕爲公考皇銀青光祿大夫同知樞密院事兵部尙  
書口將軍趙諱文柱之女口口郡夫人爲公妣娶翰林  
直學士朝列大夫三重大匡判都僉議司事默軒先生  
閔諱漬之女生男女二人女適奉翊大夫同知密直司  
事上護軍崔文度男曰英傑今爲奉翊大夫密直副使  
上護軍公自以將家子幼習武藝不暇讀書而天性耿  
介慕節義恥與人爭訟母夫人分家產別遺臧獲爲口  
四十公辭焉曰以一男居五女之中烏忍苟得其贏以

益齋集卷第七

五  
粵雅堂叢書

累鳴鳩之仁夫人義而許之年十七受皇朝宣命帶金  
符爲上千戶懷遠卒後襲爵爲管軍上萬戶階虎德將  
軍帶三珠虎符忠烈王季年爲神虎衛護軍賜金紫兼  
僉議中事德陵痛革舊弊朝士一切罷黜於郎官獨留  
公時命令一下百司奉行若恐不及公守法多所封駁  
權貴側目或撼以危言不爲動落職十年方爲檢校上  
護軍七年遷監門衛上護軍轉千牛衛兼中門使換左  
常侍三遷爲匡靖大夫商議平理封錦城君年五十七  
授其子世爵閑居又十七年每念民生休戚人材用捨



負手感鼻獨行園庭若有隱憂嘗一尹雞林三鎮合浦  
廉勤慈惠南民至今稱頌之今王嗣政起復爲僉議參  
理世所謂五宰者貌甚癯耳頗重聽然臨事慷慨不少  
懈一日語判三司事李齊賢曰吾君幼委任宰相彼負  
且乘者不誠覆轍吾其引避毋俱爲十手所指公當云  
何齊賢謝曰僕前以二三策曉執政者未見施行常愧  
不能勇去敢不惟公言是從後十許日聞公告以病意  
謂欲遂前計嗚呼烏知其竟不起也亟往弔哭而退子  
與婿繼而踵門乞鄙文將鐫石納窆義不可辭受而爲  
銘明日上書自免庶幾不負公言於存沒也其銘曰  
爲官惠慈爲將廉恥惟義之求不怵勢利由稟受能匪  
學以致鏃而羽之人不此止顧子何人晚辱知已敢負  
一言而謂公死

益齋集卷第七

六

粵雅堂叢書

推誠翊祚同德輔理功臣三重大匡脩文殿大提  
學領都僉議使司事永嘉府院君贈諡文正公權

公墓誌銘

大德辛丑菊齋權文正公提衡春官齊賢幸中丙第公  
妻以其子因得師事者四十有七年至正丙戌公年八

十有五其秋遘疾冬十月己巳命左右扶起端坐而逝  
齊賢往弔痛哭其後數日諸孤泣且告曰日君爲吾大  
夫人銘墓今大人見棄將以後十月丁酉合葬于德水  
縣鉢松原所以光召幽堂又非君誰托於是退而敘之  
曰公古昌權氏諱永字者卿後改溥而字齋萬曾王父  
諱守平尙書左僕射王父諱躋翰林學士考諱胆贊成  
事判典理致仕諡文清公妣盧氏左諫議大夫諱演之  
女也公年十五舉進士及己卯第中簾前試錄詹事府  
移國學學諭轉博士拜右正言累遷至僉議舍人又累

益齋集卷第七

七  
粵雅堂叢書

遷至詞林學士祕書監改右副承旨判禮賓寺事入密  
直爲學士至判司事遷都僉議至贊成事遂拜政丞判  
選部事加脩文殿大提學領都僉議使司事階自升仕  
郎至三重大匡館職自知制誥至大右文監春秋爵永  
嘉府院君號推誠翊祚同德輔理功臣又嘗爲征東行  
省員外郎郎中王府斷事官未嘗一補外寄一見彈劾  
此其凡也夫人柳貞慎公陸一女封卞國生五子準宗  
頂臬煦謙準封吉昌煦雞林謙福安皆府院君臬知都  
僉議事文化君宗頂出家爲兩街都總攝亦封廣福君



長女適代言安惟忠次適府院君李齊賢次適順正大  
君壽次適淮安大君珣皆王氏一家九封君古末之有  
焉文清年高無恙而公知貢舉及公以冢宰懸車吉昌  
引門生稱壽公之二門生門生之三門生相繼掌試亦  
可謂盛事矣遠祖太師金幸佐太祖有功賜姓權世濟  
其美以至文清禱于福靈寺水月菩薩像以中統三年  
仲冬十有一日日將晡而生公戊子己未虛拱壬巳之  
祿而互衝發之天機之妙如此公溫乎春風湛乎晴空  
敬以事君誠以事親睦於僚友惠於族姻目不暇粉黛  
口不商財賄齒既壯雖子姪待之如賓爵既崇雖輿臺  
遇之如尊嗜讀書老不輟注銀臺詩二十卷觀者服其  
該博爲詩文簡而警閎默軒瀆洪信齋革每擊節歎賞  
而不以是自矜任政房十有三年位宰相二十有二年  
而不以是自滿嚮用五福不亦宜哉其銘曰

權系于金寶繇雞林世召德音其一丈人其承道義孔富

天畀貴壽其二克念公心克踐公行並篤餘慶其三繩繩雲

來道爾戩穀不疑何卜其四

益齋集卷第七

六 粵雅堂叢書

有元高麗國輸誠守義協贊輔理功臣壁上三韓

三重匡彥陽府院君贈諡貞烈公金公墓誌銘  
并序

公姓金氏諱倫字無已號竹軒又號鱸村雞林彥陽人也曾大父皇太師門下侍郎平章事贈諡威烈公諱就礪大父皇太傅門下侍郎平章事贈諡翊戴公諱佺考皇都僉議參理集賢殿大學士監脩國史贈諡文慎公諱聃妣皇陽川郡太夫人許氏僉議中贊脩文殿大學士贈諡文敬公諱珙之一女以至元十四年丁丑夏六月二十有九日丁亥生公十七年庚寅哈丹寇我疆我

益齋集卷第七

九  
粵雅堂叢書

遷都江華文敬爲冢宰殿國人之後命公挈家以先公年十四指畫如成人一族賴之蔭補鹵簿判官轉典廡丞由別將陞郎將爲牽龍行首左都知右中禁二指諭拜神虎衛護軍兼監察侍丞累遷獻部議郎典符令中門使兼司憲執義提點典符密直右副丞旨以檢校會議評理階匡靖大夫出刺忠水益三州入爲讞選二部典書密直副使以慶尙全羅都巡問使鎮合浦加僉議評理商議會議都監事三司左右使封彥陽君階重大匡號推誠贊理功臣又加都僉議贊成事判版圖司事



號推誠守議協贊功臣遂判左政丞未幾乞退封府院君階壁上三韓號加輔理二字此歷官出處大畧也其爲護軍也洪忠正子藩舉以爲辨正都監副使有巨室與鄉民爭一女奴子孫百口公閱其籍曰此某代某相某歲月與諸子立券者距今茲若干年矣齒女奴子若孫以較先後相懸而女奴之名一字微偏豈改魚爲魯者乎某相諸子俱有後當家置籍一本盍取而考其異同如其言巨室遂誦其爲侍丞也某甲乙二人爭家口乙曰先世嘗訟于臺知臺姓許忘名別白而分與之甲

益齋集卷第七

三 粵雅堂叢書

所得物故無由擘乙家幸得蕃殖因遭火亡其籍甲幸災誣乙爲兼并爾公默計歲月曰所謂許知臺必吾家文敬公也命吏檢當時印簿所分名數俱存以詰甲甲亦誦其精詳多類此內臣挾憾手毆五品郎殿門公劾論甚峻兼劾證左言不以實爲內臣地者內臣者方有寵證左亦達官大族排根公左官爲州時大修宮室及佛廟驅民就役使者旁午皆憚公非不得已莫敢入境州人賴以息肩其鎮合浦也軍將不敢以緩急私撓於民州郡不得以喜怒妄加於吏天子之使來觀之卒乘

之肅號令之嚴無不悚然以敬及與之游眈左右馳射  
舍拔屢中則又歡然以樂所至稱道不容口公嘗從忠  
烈王入朝忠宣王日侯于邸從臣慕顧退縮公身兼數  
任獨侍左右忠烈嘉其志忠宣亦待以禮毅陵見留京  
師五年瀋王得幸天子羣不逞之徒誘脅國人上言願  
得瀋王爲主公與弟元尹□獨不署名狀中或私於公  
曰違衆自異若後悔何公罵曰臣無二心職耳何後悔  
之有曹頤構亂自速其死永陵命公訊其黨于巡軍萬  
戶府一府嫉其從逆勇欲拷掠痛理公曰此輩誑誤於

益齋集卷第七

三  
粵雅堂叢書

曹頤指嗾何足責哉若使傷肌膚毀筋骨必謂我枉法  
強服以欺朝廷乃弛其刑囚感悅首罪無隱永陵被徵  
道召公與偕公年過六旬聞命馳赴數日及之鴨綠江  
至則丞相伯顏奏令五府官雜問而力右頤黨頤黨多  
利口公折以片言辭理簡直五府官改容目之爲白鬚  
宰相永陵得釋東歸襲爵四年讒構蝟毛天子賜以襲  
衣尊酒而籠普實來繼遣朶赤頒德音王出迎朶赤露  
刃挾王載一騎馳去公時家居聞變遽起痛不及奔問  
詣籠普又知其不可以義感退與宰相言所以乞哀朝



廷者咸曰陪臣犯天威恐有大譴公慷慨責之曰君臣父子也子而救父孰以爲罪畏罪不救可謂子乎於是始議上書卒不果公終身憤憤形於言色公主與嗣王訪公請諡事對曰先王不返徒以儉舌斂怨累德今其禍首猶在必先舉正厥罪以明先王非辜然後可請因疏其人罪惡上之兩宮感悟轉呈朝廷授公改正贈諡二請表入奏謝曰臣桑榆之年七十又二恐顛擠道路以辱明命未死敢不勉退而理裝行有日矣遽得風疾十日不飲水漿合左右扶起具衣冠跣坐而逝實至正

益齋集卷第七

三  
粵雅堂叢書

八年戊子二月二日也訃聞輟朝三日官庀葬事贈諡貞烈公是月二十四日窆于大德山感應寺之吳岡附文慎公兆域遵理命也公喜觀書多識典故有問響應無疑仁於宗姻信於故舊見其來必置酒竟日極歡聞其病每市藥造門相視惻惻如漢吏而疾惡嘉善之公無擇於戚疎曠達若晉士而愛君憂民之切不渝於夷險故賢者慕其行不肖者畏其義街童巷婦聞稱竹軒亦能知其爲公也夫人副知密直司事崔諱瑞之女先一年沒贈卞韓國大夫人人生七男二女曰可器版圖總

郎金海府使先沒曰敬直重大匡陽城君曰宗烜出家  
爲華嚴師曰達岑亦出家爲禪師曰淑明開城判官曰  
希祖典理判書藝文提學曰承矩通禮門副使女一適  
驪興君閔思平一適宗簿令金輝南亦先沒輝南化平  
人與公非一金也庶出男曰穢迹二女未適人某辱知  
於公見謂詩友而希祖又委禽爲子壻於其謁銘義不  
可負謹取李執義達衷善狀隳括而爲序且系以辭嗚  
呼風教之移世也剛可使纜夫指兮方可使內夫柄也  
鼎柱車不尙烹兮冠苴履不愧弊也允也貞烈兮溫而  
厲儼而和也松栢乎歲寒兮砥柱乎頽波也榮慕而瘁  
擯兮我獨敦乎信也害違而利從兮我獨全乎忠也化  
斯民之庶幾兮有諸已之不啻也胡登庸而惠疇兮旋  
脫去若棄徒也雖謝事而杜門兮甯一飯而忘吾君也  
惓惓乎刷恥于國兮汲汲乎除民之賊也嗚呼如公兮  
當求諸古人之中也

有元高麗國誠勤翊贊勁節功臣重大匡星山君

贈諡文烈公李公墓誌銘

墓之有誌古也世代既遠或有崩隳見其誌知其爲誰



所藏固有不忍不掩焉者士君子葬其親所不可後者也星山君李公卒逾年余始爲之謨銘蓋有由焉曹頓之變詔徵永陵入覲至則丞相伯顏蓄宿憾至使與不臣臣兩造而置辭公慷慨發憤謂余曰吾面拆丞相前其意可回列戟守門莫叫其閤幸其出田城南吾當上書道左碎首馬蹄之下死明吾君吾子其把筆書吾書夜起沐浴雞鳴將行伯顏適以是日敗余感其義語之曰死生不可期然公長我且二十歲有不諱不敢愛鄙文以銘幽堂公笑許之永陵復國明年冬嘗步自北宮

益齋集卷第七

粵雅堂叢書

彈雀于松岡公徑造跪曰殿下甯志明夷之時乎今惡少假威略婦女攘貨財民不樂其生朝夕禍至恐往者之不啻此而不卹顧玩細娛乎永陵始甚怒已而謝遣之既出從者爲惡少所毆以其言已事也公卽歸臥故園不交人閒事嗟乎經曰諸侯有諍臣五人雖無道不失其國公之去也若有骨鯁之士能繼而言之者四五輩岳陽之辱其亦庶乎免夫公沒其孫仁復服闋如京授行狀且曰大父理命俾徵前言丐銘葬近而塗遠不反相聞茲敢告於是乎無以爲辭也謹受其狀而次之

公姓李氏諱兆年字元老京山府龍山里人也曾祖諱  
敦文祖諱得禧考諱長庚皆爲府吏考後贈某官妣某  
氏贈某郡夫人公年十七以鄉貢進士登第丙科調安  
南府書記移晉州牧司銀銀事通文署典籤江陵府遷  
通禮門祇候轉禮賓內給事出知陝州入爲郎祕書以  
前祕書丞起爲奉善大夫司憲掌令自是階至重大匡  
官至政堂文學上護軍館職至進賢大提學賜號誠勤  
翊贊勁節功臣星山君爵也文烈公諡也公爲人短小  
精悍確於志而敢於言所歷多聲績而其大節尤可稱

益齋集卷第七

五 粵雅堂叢書

者有五大德宋公從忠烈王朝京師忠宣王來問安羣  
僚素儻王宋皆懷疑縮縮走匿公恃無他進退惟謹例  
遠竄歸而居鄉十三年未嘗一出言自訟其非罪一也  
羣不逞訟忠肅王于朝見留五年公與十六士署一紙  
欲赴闕以請公竟獨走四千里獻其書二也初永陵奉  
詔宿衛春秋富頗以不謹聞公思有以誠之因告歸進  
曰殿下與大臣貴戚比肩事天子宜日慎一日何乃棄  
禮縱情以速累乎然此非殿下之過殿下長於阿保之  
家所共遊多無賴子其後朴仲仁李仁吉實左右之殿



下孰從而聞正言見正事乎夫儒者雖朴拙皆能習經  
書識廉恥殿下目之爲沙簡里此何等語耶殿下能遠  
佞倖之徒而親儒雅之士改行自飭則可不然天威咫尺  
其嚴乎永陵不能堪其言踰牖走後頗念之三也并  
欲死於伯顏切諫而勇去二者而五也嗚呼可不謂賢  
哉公至元六年己巳某月某甲子生至正三年癸未五  
月己巳卒葬以其月辛卯墓在其鄉之釜洞夫人草溪  
鄭氏監察大夫允宜之女一子曰褒密直副使上護軍  
孫七人長卽仁復右副代言左諫議大夫嘗射策皇朝

益齋集卷第七

三  
粵雅堂叢書

制科云銘曰

瞻偉於身質愈於文勤以從政誠以事君旣爵而壽有  
子與孫謂天不賚來視里門

有元高麗國匡靖大夫都僉議參理上護軍春軒

先生崔良敬公墓誌銘

春軒崔良敬公諱文度字義民年五十有四至正五年  
六月癸丑卒卜得八月壬申葬于玉金山之麓以附先  
塋禮也子曰思儉先歿孫皆幼長女婿左諫議大夫鄭  
誦在京師未歸次女婿版圖正郎閔璿以羅夫人之命

丐文於子將鏡石納壙子老矣懦於紀誤自以平生相  
爲知己義不可辭把筆題其端曰春軒先生墓銘或詰  
之曰春軒起自將官且其齒下於子六年子乃先生之  
豈有說乎荅曰春軒光陽君諱誠之之子也贊成事大  
提學致仕諱毗一其王父也戶部尙書翰林學士致仕  
諱侶其曾王父也贊成事大司學致仕金諱暉其外王  
父也固儒雅搢紳之胄也然而光陽君遇知於德陵典  
機密專選舉二十餘年聲勢藉甚春軒宿衛中朝習蒙  
古字語綺襦紈袴之與處韋韝毳帽之與遊是宜富驕  
而於格物致知修己理人之道莫得其門而入焉顧能  
出則手弓劍入則目簡編濂溪二程晦菴之書皆彙而  
觀之夜分而寢雞鳴而起必將詳節目極蘊奧心得躬  
行然後乃已溫然如春陽湛然如秋波雖僕妾未嘗一  
見其卒怒而遽喜也德陵遜于西蕃春軒奉光陽君奔  
問洮隴往返萬里惋容愉色不懈益虔光陽安焉若在  
庭闈之中也忠肅王入朝藩府用事者煽起鬪牆之禍  
讒口交騰舉無全人春軒身從其居而志從其義直而  
能敬彼此無憾喪二親三年立家廟事亡如存子男女



皆先夫人金氏出事羅夫人亦莫知其爲繼母焉其判  
書典法司也嬖幸莫能遂其姦奉使平壤雙城也頑獷  
莫能肆其欺及乎入密直升僉議一國之士喜於柄用  
而民蒙其惠天不假年奄爾淪逝莫不彈指驚嗟或至  
賈涕嗚呼春軒之道盡於已而信於人行於家而及於  
國存係蒼生之望歿與殄瘁之悲求之于今蓋絕無而  
僅有者也予以老自居以儒自私而不先生春軒可乎  
哉可乎哉其銘曰

儒而匪儒世則實繁匪儒而儒獨吾春軒

益齋集卷第七

三 粵雅堂叢書

金文英公夫人許氏墓誌銘

并序

夫人許姓中贊文敬公諱珙之第二女大父樞密院副  
使諱遂曾大父禮賓少卿諱京母尹氏政堂文學文平  
公諱克敏之女夫人生而謹愿文敬所鍾愛尹氏之葬  
日直乙丑或以夫人生年請改卜文敬曰吾此女後必  
享福無嫌也擇佳婿妻故相上洛君文英金公諱恂金  
許皆大族也侈富相高夫人禮法自持人無閒言文英  
晚喜聲妓未嘗有妒媚之色後文英十二歲至順壬申  
七月辛卯病卒凡生子男四子女三男長曰永暉奉當

大夫典法總郎次曰永暉興威衛郎將次出家名思順  
慈恩宗大德次曰永煦奉善大夫資贍司使一女適大  
匡清河君鄭愼先沒次適大匡上黨君白頤正季適王  
人別里哥不花江浙省參知政事云銘曰

柔婉中正婦德之備寬淑惠和母則之懿於惟文敬鑒  
哉孔明矧于厥子賞宜益精作配君子克臧克壽我銘  
幽墟用諗攸久

大元制封遼陽縣君高麗三韓國大夫人李氏墓

誌銘

有序

益齋集卷第七

三  
粵雅堂叢書

大夫人姓李氏興禮府人曾大父諱淳匡司宰注簿大  
父諱祐父諱椿年皆不仕既筭歸韓山李氏監井邑務  
諱自成原兩家所以得氏非一李也生三男一女長曰  
培次天次曰穀女適張氏先沒井邑府君卒守寡四十  
年明敏慈嚴勉二子宦學俾有立培官司儀署丞穀登  
國試秀才科又登皇朝制科今以奉議大夫爲郎中征  
東行省又爲國相魯韓山君由是朝命贈井邑府君祕  
書監丞大夫人封縣君而國命封三韓國大夫人當世  
榮之年八十三至正十年十月壬寅卒其年十二月丙



申葬韓原銘曰

持身有節訓子有則士也其難惟母時克身享尊榮由  
子名遂刻文幽墟于永厥眎

卜韓國夫人柳氏墓誌銘

并序

子婿推誠亮節佐理功臣三重大匡判二司事領  
藝文館事上護軍李齊賢謨曾孫宣武將軍合浦

鎮邊萬戶府奉翊大夫右常侍權 鏞書篆

始甯柳氏自國初爲著姓有大丞車達者佐太祖有功  
其七世孫文簡公諱公權以文學參大政生右僕射諱

益齋集卷第七

三

粵雅堂叢書

澤僕射生侍中文正公諱璫文正生知僉議司事貞慎  
公諱陞娶同知樞密院事洪諱縉之女是生大夫人年  
十三歸權氏爲今領僉議司事永嘉府院君菊齋公之  
室孝舅姑仁親戚教子孫以禮使婢妾以義不御鈿華  
不服文繡巫尼卜祝罕言於口子母利息恥計於心與  
菊齋公居六十七年終始無小忤雍雍如也至正四年  
甲申八月感疾壬戌薨王聞訃命有司襄葬事公辭焉  
則特贈諡卜韓國賢信和淑夫人其年九月甲辰窆  
于德水縣鉢松原之北禮也男曰準吉昌府院君曰宗

頂出家爲曹溪宗都總攝大禪師曰梟知僉議司事曰  
煦維林府院大君德陵養爲子附籍宗簿寺曰謙僉議  
贊成事三子受元朝宣命準謙皆爲萬戶煦郡公女適  
密直右副代言安惟忠次適判三司事李齊賢次適宗  
室順正大君王濤次適宗室淮安大君王珣三婿亦受  
宣命惟忠萬戶齊賢斷事官濤蒙古翰林學士內外諸  
孫及曾孫男女一百有餘人每歲時內集軒蓋填門朱  
紫盈庭至有元孫之戲綵于前者嗚呼盛哉豈非積善  
之報也銘曰

益齋集卷第七

三 粵雅堂叢書

子於權公匪惟門生謂公曰舅公謂我甥下國之薨公  
命作銘感念之懷得寓斯文自不計於親嫌之倫也然  
其克孝於姑克順於夫相敬如賓偕登八旬兒孫棣棣  
百十其麗爵命其騰諡策其承哀榮終始女中汾陽微  
子之辭固足以厯世而流芳者矣



高麗 李齊賢 仲思撰

謝聖旨表

明陵代

起居

垂髻北上三年別荷於眷憐銘骨東歸一日何忘於請  
祝

謝表

諄諄之命用示恩威眇眇之資徒增感愧云云在衡若  
舜施呂如湯克類克明參兩儀而立極以寬以簡一四

益齋集卷第八

粵雅堂叢書

海之歸心臣猥將總角之年親奉垂衣之化顧遭家之  
不幸恐無地以自安特降鳳綸委以藩宣之寄載馳龍  
節申其策勵之辭豈惟臣庶之舉欣實是宗祧之攸賴  
茲蓋義敦柔遠仁撫恤孤念齊桓尊王之功欲存後裔  
使蔡仲繼父之業以蓋前愆臣敢不當夙夜以欽遵庶  
生成之永賴

謝御衣酒表

起居

父臨普率恩偏濱海之封嬰慕寬仁心切後天之祝

謝表

皇華傳命示寵賚之非常弱質踰涯抱感情之罔極欽  
惟奉先惟孝字小以仁記勤王於聖武之朝惠鮮遠俗  
念尙主於世皇之日保佑孱孫特宜密勿之言兼致殊  
尤之錫仙壺九釀濃含雨露之香宮錦一封爛吐雲霞  
之彩浹洽自天之澤懽呼滿國之榮臣敢不每思醢骨  
之恩庶盡糜軀之效

乞比色目表

起居

益齋集卷第八

二 粵雅堂叢書

比一國於萬邦僅同黑誌祈億齡於九闔別有丹誠

詩表

天必聽卑曲從人欲事難泥古斷在帝心輒露愚衷敢  
塵睿鑒云云能哲而惠自誠而明遵列祖之憲章簡臨  
寬御曉多方於品制邇肅遠安已推彰信之仁又篤念  
功之義顧惟弊邑服我大邦敵愾攻遼助聖武東征之  
旅觀光過汴迎世皇北上之師遂蒙釐降之榮獲守藩  
宣之寄洎子孫而相繼講甥舅之至懽及際休明益深  
緣幸元良載誕允孚四海之情冥昧自矜私謂三韓之



福因念會忝聯芳於玉葉更逢毓慶於璿源既然得附於本支何乃未同於色目肆歷由中之懇佇霑無外之恩伏望賜以兪音順其景慕臣謹當感聖化於桑域庶臻魯一變之期湊忠誠於藥宸永貢嵩三呼之祝

陳情表

起居

若東海百川之赴孰敢後於朝宗效南山萬壽之呼臣獨先於請祝

陳情云云欽觀至正五年月日頒降詔書條畫內

益齋集卷第八

三 國粵雅堂叢書

一款今後漢人高麗人南人等投充恟辟者並在  
此限伏讀已還懍惶隕越不能自己仰黷天聽者

天地無私順物情而並育帝王有作觀民志以必從敢  
進瞽言佇回聰聽云云能哲而惠所存者神巍乎有功  
煥乎有文尙敦恭儉道之以德齊之以禮坐致雍熙伏  
念自聖朝奮義而肇基惟小國向風而先服助威討賊  
遏遼民狼顧之謀冒險迎師贊世祖龍興之業由是講  
甥舅之親而委以保釐之位徵子弟之質而備於宿衛  
之行坐得次於雄吉刺台飲亦參於闔于也速況今坤

元配德豈惟萬國之榮觀震索儲祥偏是三韓之慶賴  
故以愚衷而自揆與諸異姓而不佞伏望勿遺既往之  
忠勤亦念難遭之緣幸俾同世威免貽沙汰之嫌益戴  
皇恩庶盡粉糜之效

爲公主乞賜稱號陳情表

今代

起居

守封青社阻承晉接之日三貢祝丹霄常效嵩呼之歲  
萬

陳情表

益齋集卷第八

四 粵雅堂叢書

嬰孩強聒專憑慈父之憐后帝竄聰曲徇愚民之欲冀  
紆睿鑒優納懇言云云自誠而明慮善以動任賢勿貳  
開慶會於千年立愛惟親得懽心於四海顧將庸品端  
幸昌辰苟陳有切之懷豈阻必卑之聽尙王姬而作配  
不爲榮乎令國俗以斥名非所宜也

因念臣之曾王父  
忠烈王諱尙忽篤

勅辭

國大長公主之稱臣之王父忠宣王諱  
尙寶塔室憐公主受韓國長公

者普塔實禮公主

屬在金枝之譜意存彤管之規若蒙陛下矜其來處於  
遠方許以追遵於舊例疏恩九闕俾穰李以增華感德

三韓指大椿而獻壽



謝銀字圓牌表

起居

表東海以爲封曾叨寵命拱北辰之居所庶效忠誠

謝表

言伏蒙陛下賜臣鋪馬聖旨六道銀字圓牌三面臣之祖父忠宣王臣某所嘗拜賜者而藏在上司已有年矣今悉命之於臣臣與國人不勝驚感陳情謝萬一者

聰聽必卑天豈鶴鳴之相阻睿恩偏重山非蚊負之可勝惟一國之感銘實四方之欽慕休念遭逢盛朝宿衛多年言告言歸雖輟趨跲之列而康而色每容敷奏之辭適因賤介之還同與先臣之賜璽書六軸承使命以

益齋集卷第八

五 粵雅堂叢書

有憑銀字三符報軍情而無滯茲蓋伏遇簡臨寬御厚往薄來推傳愛於邊氓視同內地記微勞於上世撫及後昆臣敢不率祖攸行述侯所職春朝秋覲對揚天子之休夜寐夙興請祝聖人之壽

陳情表

起居

承賜履於東方庶遵箕子八條之化望垂衣於北闕竊效封人三祝之誠云云事宜陳而自默豈人臣諒直之心言可採而必從是聖主包容之度敢據愚抱庸驢聰

聞云云體禹儉勤躋湯勇智簡臨寬御啓洪業於竹苞  
厚往薄來致庶邦之葵向伏念小邦愛自祖宗之代獲  
叨甥舅之榮土風雖愧於中原天幸多逢於上國茲者  
榮安王夫人李氏衣冠奕葉禮義名家毓德坤元曾  
踐黃金之屋儲祥震索當開碧縷之門竊聞皇朝之法  
有所謂字兀兒者合姻婭之歡爲子孫之慶古既如是  
今胡不然若蒙陛下爲大夫人李氏舉盛禮之優優示  
殊恩之衍衍則九族感睦親之義誓永世而不忘一邦  
殫歸表之誠祝後天而難老

益齋集卷第八

六

粵雅堂叢書

字兀兒扎宴後謝表

起居

父臨普率旁推一視之仁嬰慕聖明采貢三呼之祝

謝表

乾坤邈矣敢期呼籲之間草木微哉忽致恩榮之沐感  
驚交至蹈舞不知云云體禹儉勤躋湯聖敬遵祖宗之  
典禮雖舊維新擁廟社之休祥於斯爲盛兼屈聽卑之  
鑒克敦字小之仁眷言出日之邦生我俛天之妹美鍾  
坤順遵母儀於六宮慶毓離明固邦本於萬歲於是降



濬源之貴戚馳玉節之重臣陳飲食以賜歡賁金縉而將意既醉以德爲永好於舅甥不顯其光相歆觀於夷夏臣敢不念其卵翼報以粉糜專述職於箕封每輸誠於華祝

孛兒扎宴後謝皇太子殿牋

天一清地一窟適啓文明之旦星重輝海重潤誕膺監撫之權舉率土以共欣况小邦之多幸今者皇帝陛下特降鸞轡太子定安平章等官來錫孛兒扎之宴茲蓋伏遇皇太子殿下學將日博德與年豐既陞儲位於青宮益篤孝誠於丹辰謂慈闈之桑梓難比庶邦導皇澤於雲霄俾張嘉會山川聳動而相慶父老矜誇於及觀某謹當益殫不貳之心永祝無疆之壽

皇太子封冊賀表

起居

昔陪京輦與霜行葦之恩今守海藩願獻蟠桃之算

賀表

體元當宇開萬世之丕圖立長承祧述百王之盛典德音覃被瑞應孔彰云云以乾健而簡臨得離明之善繼

嚴尊師重傅之禮夙著今聞委監國撫軍之權允孚輿  
望茲蓋宗社垂祉天人協謀用啓祐於宸衷爰固甯其  
邦本因推廣愛之理更布好生之仁舉四海莫不歡欣  
顧三韓尤爲慶幸伏念臣曾荷金門之通籍久叨銅禁  
之侍書奉日晷趨恨未參於嘉會聆風燕賀誠有倍於  
恆流

皇太子同牋

起居

誠劣塵微愧乏培山之效夢勞天遠謾輸披霧之心

益齋集卷第八

八  
粵雅堂叢書

賀牋

惟忠惟孝允孚上帝之心以長以賢遂正前星之位輿  
情攸屬邦本不搖云云德稟川冲學惇日就珣珉錫冊  
永觀萬國之貞青蓋乘車端奉一人之慶躬任承祧之  
重意專問寢之勤伏念早忝末寮優承厚睦鯁岑滯迹  
未預賀班鵠海馳誠難禁喜淚

謝功臣號表

起居

聞九奏於鈞天猶尋一夢效三呼於嵩岳每祝萬年



謝表

言至正十六年一月二十日使臣等以中書都堂鈞旨欽奉宣命而至臣謹與一國臣寮備禮儀出城恭迎望闕欽受伏讀宣命節文授臣親仁保義宣忠口國彰惠靖遠功臣頓首拜手神魂隕越涕泗交頤不知蹈舞感激無窮者

千載一時欣戴自天之命四方萬國聳聞稀代之榮銘膏何忘粉身難報欽惟云云以簡臨下惟精執中率祖攸行不怒而威不言而信順帝之則所過者化所存者神至如草木之生成皆是乾坤之休養伏念爰從弱歲獲覲清光充宿衛於龍樓既乏絲毫之補襲藩宣於黠域亦微尺寸之功何圖十有二字之褒謬及百無一能

益齋集卷第八

九粵雅堂叢書

之品茲蓋伏遇記累世勤王之效憐愚臣戀主之誠特垂綸綍之言用比鼎鍾之刻臣謹當志求仁而務惠於物身服義而願忠於君保遠民蠢蠢之情庶幾致於安靖嚴上國明明之訓敢不奉以周旋

詔赦謝恩表

起居

北辰居所下臨析木之津東海守封上祝蟠桃之歲

謝表

乾坤洪造曲全庶物之生父母至仁旋棄癡兒之過云

云乃神乃聖以簡以寬理尙無爲體舞于於大舜心敦  
不忍法弛畧於成湯故茲四海之康繫我一人之慶伏  
念幸遭盛際叨襲弊封賊子亂常殆將覆國愚臣應卒  
不及聞天令者伏蒙云云推視遠之明廓包荒之度揆  
事機之非所得已矜情實之無可奈何霽雷霆之威既  
往不咎霑雨露之澤咸與惟新乾坤全物之生父母棄  
兒之過亦不足爲喻也人非木石豈不知感哉臣謹當  
布德音於臣庶以甯一邦修職貢於歲時無替萬世

乞退牋

臣於今月十日墮馬傷足不能坐立乞免職任者

益齋集卷第八

十學雅堂叢書

海鼇舉首庶幾仰戴於靈山厖馬傷蹄詎可齊驅於清  
路肆陳畢抱庸黷竄聰伏念臣鉛槧劣能斗筭賤品濫  
據秉鈞之任敢忘粉身常懷覆餗之虞有若芒背果致  
元崇之足疾靡堪須賈之膝行呻吟衽席之間匍匐丈  
尋之內茲蓋才微責重福過災生遭口吻之笙簧勢難  
共處損筋骸於銜檄誠合退藏伏望矜臣欲省事而養  
病諒臣非矯情而辭寵致令臣桑榆晚景謝軒裳之榮  
蓬藿閑居收藥餌之效專祝岡陵之壽小酬天地之私

臣頃以足疾乞退伏聞又下批授依前職任加十



字功臣之號不勝恐懼更乞辭免者

量能用捨仁君豈責所難揣分行藏賢士免罹于禍冀  
回聰聽優納瞽言伏念臣腐爛之儒迂闊於事智不周  
於衛足已速蹶顛誠益切於乞骸自甘屈蠶何擬殊尤  
之寵復加疔瘁之資臨觴之鳥魂驚更聞金奏伏慙之  
驚力憊却得錦幪人將羣起而爭嘲臣固反觀而增愧  
曷以往來之連蹇強爲揖讓之雍容伏望吐溫然之俞  
音全耄矣之殘喘三薰三浴拜孔光歸第之恩一壑一  
邱償宏景掛冠之志

益齋集卷第八

七  
粵雅堂叢書

臣某病旣彌留再上箋乞退今月二十五日伏蒙  
上慈特遣左副代言臣柳淑鷹揚軍上將軍臣金  
鏞就賜臣教書不允其請顛倒感激夜不能寐伏  
地嗚咽更陳愚抱者

仕而所欲忠者主耳苟非才空忝於恩榮耄矣不能退  
則士乎况多病敢安於祿位懋誠呼籲揆理矜從伏念  
臣才爲宰相之盲病類浮圖之璧經綸任重嘗慙秉筆  
以昏昏劍履班崇還恐執圭而蹶蹶分甘髓縮望絕鼻  
趨敢思密勿之言強起欹危之步先以爪牙重將臨視

草廬申之喉舌名臣奉傳芝檢光生闐闐聲動縉紳既  
蒙眷遇之無前肯慮死亡之在後然而功微而居高者  
必遭橫議智薄而據要者難免厚誣雖厥疾之得瘳尙  
胡顏而復進伏望察難回之懇憐垂盡之年致令臣收  
六尺之頑軀避賢者路散一簪之華髮送老于家

臣再上賤乞退未蒙俞允今已旬月病勢增加復

陳誠悃仰黷天聽者

葵心有切雖知向日以獨傾蒲質既微唯恐望秋而先  
瘁將乞骸骨屢陳肺腸伏念受知德陵而靡有寸能逮

益齋集卷第八

三

粵雅堂叢書

事肅禩而亦無毫補夤緣盛際累蒙衛鶴之榮僂俛餘  
生庶效隋蛇之報顧精神之昏耗由老病之連綿豈宜  
竊位而忘羞不亟避賢而謝事外戚如洪冢宰勇退中  
年邊功若廉元戎屈居下坐孰謂七旬之癡漢合爲一  
國之重臣徒然違禮法之明文所以致朝廷之眾謗伏  
望優納懇辭俾從初服則臣迹常留於輦轂休歌擘擘  
之紫芝夢亦想於冕旒能賦猗猗之棗竹

乞免書筵講說舉贊成事安軸密直副使李穀自

代賤



伏以致敬盡禮人君乃能得師推賢讓能臣子所以輔  
王臣頃承綸命久侍書筵舉止迂疎而未足以格非見  
聞鹵莽而無益於取正臣猶知愧孰不忍欺而况素髮  
蕭條元花掩翳耳類許丞之重聽臂同杜子之偏枯眷  
戀軒墀苟不收桑榆之晚景顛擠溝壑恐難保松柏之  
歲寒切見僉議贊成事安某密直副使李某清介無華  
端方有守失一學問高於東方才名動於上國擇於二  
俊替此一愚重席談經彼得贊右文之化閉門謝事臣  
何忘優老之恩

益齋集卷第八

三

粵雅堂叢書

益齋亂藁卷第九上

高麗 李齊賢 仲思撰

有元贈敦信明義保節貞亮濟美翊順功臣太師  
開府儀同三司尚書右丞相上柱國忠憲王世家  
謹按本國世代編年太祖姓王氏諱建字若天考金城  
太守諱隆妣韓氏唐僖宗乾符四年丁酉正月丙戌生  
於松岳南第生而聰明器度雄深包濟世之量昭宗乾  
甯三年丙辰年二十始仕泰封王弓裔爲鐵原京太守  
屢立大功遷水軍將軍波珍餐侍中位冠百僚弓裔縱

益齋集卷第九上

一 粵雅堂叢書

虐嗜殺梁貞明四年三月騎將裴玄慶洪儒卜智謙申  
崇謙等四人詣王之私第議曰今弓王無道惡浮桀紂  
吾輩所以會此者欲公救民耳王變色固拒之諸將曰  
天與不受反受其咎當今德望靡有居公之右者豈可  
違天命受制於獨夫之手乎夫人柳氏在帳中出口舉  
義代虐自古有之今聞諸將之言妾猶自奮況大丈夫  
乎手提甲以被王身諸將扶擁而出令人前行呼曰王  
公已舉義兵矣國人先至宮門鼓噪而待者萬計弓裔  
聞之微服遁於巖谷爲斧壤民所害是日王卽位於布



政殿國號高麗二年都松岳郡十八年新羅王金傅請  
入覲其國臣庶皆隨之車騎連亘三十餘里十九年正  
月百濟王甄萱爲其子神劍幽於金山佛寺逃奔錦城  
請入朝及至待以厚禮王親率三軍與神劍戰於崇善  
城斬之緩轡徐行至百濟王都慰撫曰元凶已滅赤子  
何辜百姓大悅九月還受百官朝賀親制政誠一卷誠  
百寮詩八篇信書十條垂戒後嗣永爲龜鑑二十二年  
晉帝遣國子博士謝攀等册王爲開府儀同三司檢校  
太師玄菟州大都督高麗國王二十六年夏五月丁酉

益齋集卷第九上

二 粵雅堂叢書

薨子惠王立諱武字承乾相表奇偉膂力絕倫每從太  
祖征伐四方執弓帶劍先導後衛與士卒同甘苦百濟  
之戰奮勇先登大破之晉天福八年五月奉遺命卽王  
位三年九月戊申薨弟定王立諱堯字義天四年三月  
丙辰薨弟光王立諱昭字日華卽位之初以禮接下恤  
孤寒重儒雅夙夜惟寅刑政不濫六年令百官衣冠從  
華制九年五月丙申命翰林學士雙冀知貢舉試得甲  
科進士崔暹等科舉之興始此二十六年五月甲午薨  
子景王立諱卬字長民溫良仁厚不好嬉遊旣卽位悉

取前朝所受讒詆之書焚之中外大悅六年七月丙午  
薨成王立諱治字溫古太祖之孫也宋太平興國六年  
七月景王寢疾引入臥內執手囑國事景王薨王卽位  
九年六月令職在言責者事有不合於理當須固執確  
論五品以上各言時政得失民間利害十一年五月命  
五品以上各舉賢良所舉者德行才術具疏名下十六  
年十二月二十七日薨穆王立諱誦字孝伸景王長子  
成王愛如己子契丹統和十五年十月受成王禪卽王  
位十二年二月康兆反三月十三日王薨顯王立諱詢

益齋集卷第九上

三  
國朝雅堂叢書

字安世太祖之孫也穆王無子寢疾遣皇甫愈義迎立  
之放前代宮女百餘人罷教坊壞池苑放禽獸元年十  
二月契丹帝討康兆執歸誅之二十三年夏五月辛未  
薨子德王立諱欽字元良三年九月癸卯薨弟靖王立  
諱亨字中昭十二年五月丁酉薨弟文王立諱徽字燭  
幽十五年三月謁文宣王廟二十二年九月甲申中書  
令崔冲卒諡文憲公冲以門下生徒分爲九齋曰樂聖  
大中誠明敬業造道率性進德大和待聘自公卿適庶  
下至州縣舉子皆隸名籍中以習聖人之道文物由是



益盛三十七年七月丁酉薨子順王立諱勲字義恭服喪哀毀過禮因得疾十月二十三日薨弟宣王立諱運字繼天十一年五月壬寅薨子獻王立諱昱二年八月以病讓位於叔父雞林公明年二月甲辰薨肅王立諱顯字天常文王第三子也幼而聰慧長而孝敬博通經史勤儉果斷文王寵愛之常曰後之復興宗國者其在汝乎始封爲雞林公遼壽昌元年十月庚午受獻王禪卽王位十一年十月丙寅薨子睿王立諱傑字世民三年七月親釋奠於文廟四年秋七月始爲國學試試取

益齋集卷第九上

四 國子雅堂叢書

大學崔敏庸等七十人武學韓子純等八人分處七齋周易曰麗澤齋尙書曰待聘毛詩曰經德周禮曰求仁戴禮曰服膺春秋曰養正武學曰講藝十六年六月大旱開清讌閣命起居舍人林存講詩雲漢學士朴承冲講書洪範得雨十七年夏四月甲午薨子仁王立諱楷字仁表性仁孝寬慈好學問多才藝敬師傅禮臣寮睿王及王后尤所鍾愛四年國舅李資謙與平章事卓俊卿作亂知茶房事崔思全兵部尙書金珣以義諭俊卿俊卿感悟擔王於肩仗劍一呼資謙之徒瓦解王登廣

化門樓軍民瞻望權叱聲動天地十一年五月蝗蟲食  
松葉王諭羣臣曰京房曰食祿不益聖化天亦以蟲之  
無益於人而食萬物者予以不明用非其人苟聞昌言  
安敢不從其有公清正直節義可尊者具以名聞將陟  
而勸之貪求冒利暴戾殘賊者勿論親疎貴賤以其罪  
聞將黜而戒之自是月不雨至秋七月王如奉恩寺禱  
雨於太祖真得大雨三日二十四年二月丁卯薨子毅  
王立諱暉字日新二十四年八月鄭仲夫反與諸將官  
斌朝臣王遜於巨濟弟明王立諱晫字之旦三年大僕

益齋集卷第九上

五  
粵雅堂叢書

卿金甫當全州牧使裴純祐等謀舉兵以迎前王不克  
皆死仲夫遣李義收候前王十月一日前王薨九年大  
將軍慶大升斬仲夫及黨與前朝逆臣皆伏辜唯義收  
逃以免二十七年遜位於弟纒浪公至五年十一月薨  
神王立諱暉七年正月丁丑薨子熙王立諱諤字不坡  
爲世子常開經筵與寮友講經史四年十月乙亥饗國  
老庶老孝子順孫義夫節婦鰥寡孤獨篤疾癘疾賜物  
有差七年十二月卽中王濬明謀誅崔忠獻不克是月  
王遜於喬桐至高王二十五年八月戊子薨康王立諱



禊字法柱明王元子二年八月九日薨子高王立諱暉  
字大明實忠憲王以金明昌三年春正月十八日生崇  
慶元年七月二十三日册爲王世子加元服王天姿慈  
祥謹厚不妄言談嘗受學於名儒俞升且留心經史初  
晉康侯崔忠獻自明王時專國至是凡二十四年子晉  
陽公孫怡繼政三十二年子晉平公孫沅孫誼又相次  
繼之擅廢立作威福者四世六十年王小心守法進退  
以禮故權臣雖跋扈莫敢凌也元年大蒙古太祖成吉  
思皇帝舉兵攻金金人大敗二年燕民餉天兵之留守

益齋集卷第九上

六  
國子雅堂叢書

者醉而殺之有遼之遺種金山王子金始王子等乘釁  
而起自稱大遼收國王以鵝兒乞奴爲□□□掠中原  
人民以拒天兵請地及兵於我□□□丹兵遂闌入我  
疆保江東城王令左僕□□□閣學士趙冲上將軍金  
就礪等將兵禦□□□十二月成吉思皇帝遣元帥哈  
真副元帥扎剌稱蒙古國行尙書省與東真國大將完  
顏子淵討金山王子等時天甚寒大雨雪糧餉不至丹  
兵據險堅壁以待其疲哈真遣使者十二人與我德州  
進士任慶和偕來投書於我欲與共滅丹賊結爲兄弟

之國王敕趙冲就礪等出兵轉穀合力破賊就礪至軍中哈真等使通事趙仲祥語之曰果與我連和宜先遙禮蒙古皇帝次則又禮萬奴皇帝就礪曰天無二日民無二主天下安有二帝遂禮蒙古皇帝而不拜萬奴哈真等大奇之又見就礪狀貌奇偉遂與同坐共飲議破賊之計哈真曰兩國已爲兄弟何憂破賊乎明日趙冲引兵至哈真與之合軍大振環賊壘四面攻之賊計窮出降王子自縊其僞丞相平章以下百餘人皆斬之於是哈真等與趙冲就礪指日同盟萬世子孫無忘今日

益齋集卷第九上

七  
粵雅堂叢書

分其俘虜爲信我處之郡縣之間今處處有契丹場舊地是也二十八年遣王姓永甯公王綽率衣冠子弟十五人入爲禿魯花四十六年春三月王將親朝以疾不果遣世子入侍至六月晦薨壽六十八在位四十七年遺書曰教臣僚衆庶予德薄負重疾病彌留粵惟王位不可虛矧予元子其德足以升聞於上乃命以位凡爾官司各執爾事聽受嗣王之令嗣王入朝未還其間軍國庶政聽於太孫卜宅之制務從儉德易月之服三日而除遵行上國喪制毋以死傷生武宗皇帝下詔追加



封贈制若曰昔我太祖皇帝奮舉漠北也東征西旆分  
甸南服昭德示威所向臣妾惟時三韓境壤相聯天戈  
一臨故高麗國王王瞰深察機運舉國內向事會之來  
間不容髮自非秉志端慤明識遠慮疇克如是哉又屬  
遼民餘孽僭竊島嶼狂肆弄兵陸梁假息重煩命將致  
討於時冰雪沍寒饋餉不通而瞰乃能供待轉輸師皆  
宿飽軍興器仗資助無闕復濟師徒往殄殘寇其於肇  
造開基立勲王室保民興邦莫與之比故得守土享年  
殆將四紀澤及後昆流慶斯永傳子若孫與國連戚不

益齋集卷第九上

八 粵雅堂叢書

其躋歟是宜追崇上爵仍易嘉名魂而有知歆茲異數  
可贈敦信明義保節貞亮濟美翊順功臣開府儀同三  
司尚書右丞相上柱國高麗國王諡忠憲云世子之入  
朝也叅知政事李世材樞密院事金寶鼎借將軍金承  
俊行首金大才少卿李凝謁者吳軒李傑舍人鄭均錄  
事李承衍李君伯等四十人實從之至燕京憲宗皇帝  
南征駐蹕釣魚山於是離燕京將詣行在道過京兆潼  
關守土者延至華清宮請浴溫泉謝曰此唐明皇所嘗  
浴者雖異世人臣安敢褻乎聞者嘆服至六槃山憲宗

晏駕而阿里孛哥阻兵朔野諸侯虞疑罔知所從時世祖皇帝觀兵江南世子遂南轅間關至梁楚之郊世祖適自襄陽班師北上奉幣帛謁於道世子軟角烏紗幘頭廣袖紫羅袍犀鞞象笏眉目如畫周旋可則羣寮各以品服排班于後世祖驚喜曰高麗萬里之國自唐太宗親征而不能服今其世子自來歸我此天意也大加褒獎與俱至開平府本國以高王薨告乃命達魯花赤忽伯反護其行歸國中統元年四月二十一日卽王位是爲元王母曰安惠王后柳氏以金宣宗興定三年已

益齊集卷第九上

九  
國雅堂叢書

卯三月十九日生乙未正月二十日冊爲世子諱植字日新中統五年夏五月天子遣必閣赤忽兀禿來詔曰今歲王公羣牧咸會上都王其乘驛而朝秋八月王親朝從之者平章事李藏用樞密院副使蔡禎等五十人天子所以待遇之諸侯王莫敢望東民之被虜掠及逋逃而入中原者斷自己未年後悉歸之初權臣崔誼死高王遣大將軍朴希實將軍趙文胄入告曰本國君臣所以未盡事大之誠徒以權臣擅政不樂內屬故爾今崔誼已死卽欲出水就陸以聽上國之命而天兵壓境



比之穴鼠爲貓所守不敢出耳憲宗然其言命罷兵賜  
二人金符遣之及是樞密副使林衍殺海陽公金仁俊  
及其黨與遂專國政自知罪稔必爲上國所討凶謀益  
甚十年六月二十日擅立王之母弟安慶公瑁爲王王  
出居西宮朝野莫不傷心世子諶在上國將歸至滌染  
府聞廢立事還入奏之世祖皇帝遣幹朶兒不花李鶚  
等下詔曰諭高麗國文武臣寮據世子來奏本朝臣下  
擅自將國王廢去以其弟安慶公瑁爲王朕初聞之以  
爲誠僞無徵未可深信國王嗣位以來未聞有過苟有

益齋集卷第九上

十一  
粵雅堂叢書

過失諫而不悛當控告朝廷以聽朕區處不告朝廷臣  
下擅自廢立亘古以來甯有是理今遣使臣幹朶兒不  
花李鶚等前去詳問若傳聞之誤王身無災於女何責  
如其果然敢有將國王與世子并其族屬一有戕害者  
朕必無赦汝等其明諭朕心審思臣節當條具以聞繼  
遣黑的徐仲雄等來命王復位親朝林衍憂懼發疽而  
死其子將軍惟茂聞王與頭輦哥國王等引兵來於是  
移牒州郡卷入海島自率三別抄將以拒命大將軍宋  
松禮中丞洪文系殺惟茂然後出江華復宅松都惟茂

餘黨掠土女盜府藏方舟而下據珍島又移入耽羅王  
遣樞密副使金方慶與上國元帥阿海皆討平之於是  
帝下詔曰頃以林衍叛逆命將出師撫定爾國今罪人  
殲滅卿以奠居古京東方無事矣然念罹茲變故東土  
之人不無驚擾自茲已往卿其保全生聚諭以朕意俾  
各安生業毋或妄生猜釁十五年六月十九日薨壽五  
十六在位十五年武宗皇帝追加封贈制若曰洪惟我  
祖天錫勇智正萬邦乃眷爾家世篤忠貞有成績蓋本  
深而未茂其德厚者流光故高麗國王王禴祇訓向方

益齋集卷第九上

十一  
粵雅堂叢書

飭躬迪吉佩服儒雅奮礪才猷初父命之親承以貢珍  
而入覲會桓肅西巡於川徼而世皇南撫於江孺亟期  
行李之通甯恤歲華之易途屯以阻內訌仍遭於家艱  
號渙其申還納旋膺於晝接中統之風雲載啓三韓之  
疆宇重臨從容必中於事機造次不忘於禮憲首遣明  
廷之質有來冢嗣之良釐降展親示渥特殊於他姓服  
勤尊主輸誠益拱於中天不諛是征屢爲先道奉朝斯  
謹罔失常期孫繼尙於皇姬國允資於碩輔有爲有守  
昔勘濟之功多言盛言恭茲弼諧之望著盍旋舊哲庸



賁嘉稱太師維垣爵以馭其貴君子如社制以象其賢  
庶幾往訓之遵亦曰徽彝之舉於戲匪報也永以爲好  
也恩隨鸞檢以頻疏惟有之是以似之系與鴨江而並  
遠可贈端誠奉化保慶亮節康濟位理功臣太師開府  
儀同三司尙書左丞相上柱國高麗國王諡忠敬云世  
子諱謹後改昨母順敬王后金氏以忠憲王二十三年  
二月丁卯生焉忠敬王入朝未還而忠獻王薨遺令軍  
國政務聽於太孫中統元年忠敬王卽位八月冊爲世  
子明習國家典故祖宗法度喜怒不形於色寬厚長者

益齋集卷第九上

三國雅堂叢書

幼嚮學讀書知大義嘗與大司成金坵國子祭酒李  
松縉唱和有集行於世至元六年入朝八年又率衣冠  
子弟二十人入朝爲禿魯花十一年釐降忽篤恟迷思  
公主是年忠敬王薨詔曰諭高麗國王宗族及大小官  
員百姓人等國王在日屢言世子可以承替今令世子  
承襲國王句當凡在所屬並聽節制由是八月歸國卽  
王位時軍旅之後民物凋瘵公主性嚴明果斷內外震  
懾王濟之以柔事無過舉數年之間國家晏然風俗歸  
厚以本國官制有同於上國改中書省尙書省並爲僉

議府樞密院爲密直司御史臺爲監察司吏禮部並爲典理司刑部爲典法司其餘官寺之名皆改之侍中爲中贊平章事爲贊成事參政爲參理金紫光祿爲匡靖銀青光祿爲奉翊其餘階官之名亦改之是年遣堂弟帶方公王徵入朝爲禿魯花先是帝賜日本國王書諭以入朝又遣趙良弼爲宣撫使以往竟不得其要領及王卽位帝以金方慶討珍島耽羅其方略威信可囑大事召至闕庭命修戰艦與元帥忽篤浮海討日本破其一歧對馬伊巒等島以糧盡還八年辛巳卽至元十八

益齋集卷第九上

三 粵雅堂叢書

年也又大舉忻篤茶邱領蒙漢軍發合浦亡宋降將范文虎領蠻軍發四明期至日本城下合戰王復以金方慶爲元帥領高麗軍偕進范文虎後期且值大風蠻軍皆沒忻篤茶邱等亦多棄士卒僅自脫歸金方慶獨力戰至霸家臺諸軍不繼亦引還於是詔王爲征東行省丞相員吏皆從王保舉不拘常選十四年乃顏叛王掃境內軍士刻日親赴行在未至乃顏敗帝謂王地遠不及事勤王之誠足勸天下卽令罷兵乘驛而朝乃顏之黨哈丹收散卒衆號十萬脅掠水達達女真之地闖入



我疆分軍爲二一自鐵嶺一自竹田直趨王京王命萬戶印侯韓希愈羅裕禦之會帝遣乃蠻多薛閣干等引兵來遂與之合大破哈丹於燕歧之野匹馬無還者然比年國人征戍轉餉失其農業以致饑饉帝以海船輸江浙米十萬石賑之二十年入朝帝崩與議立成宗以王先朝勲戚遇之甚厚所言皆聽大臣丞相伯顏完澤達罕忽古孫大師月知節亦莫敢鈞禮二十四年公主薨以病遜位於世子諒封爲逸壽王明年復位又十一年薨壽七十三在位三十五年武宗皇帝加封贈制若

益齋集卷第九上

古  
粵雅堂叢書

曰朕觀今天下有民社而王者唯是三韓及祖宗而臣之殆將百載厥父蕃而子復肯播曰我舅則吾謂之甥旣勲以親宜貴與富禮克先於事大典可後於追崇故純誠守正推忠宣力定遠保節功臣太尉開府儀同三司征東行中書省右丞相上柱國駙馬高麗國王王暉移孝爲忠易威以惠禮樂刑政之修者典章文物皆燦然惟大猷之是經與小心之以翼初由世子已帝女之降釐旋俾嗣王非公孫之復始遂罷時貢其方物願同歲賜於宗親責秉鈞以東征期奠枕於南面追叛王挺

身於遼水出奇兵壓卵以大山戰踵未還逆首已授雖  
居位未周夫三紀而享年實過於七旬中壽共言今代  
希有矧其子式穀之是似則斯人沒世爲不忘自官階  
而進之至師垣而極矣夫旣封立菟之墓表滄渤以爲  
襟何必刑白馬以盟誓黃河之如帶尙期貞魂庸服恤  
章可贈純誠守正推忠宣力定遠保節寅亮弘化奉慶  
功臣太師開府儀同三司尙書右丞相上柱國駙馬高  
麗國王諡忠烈翰林學士承旨姚燧之詞也忽篤恟里  
米思公主至元甲戌東歸明年九月丙戌生世子始諱

益齋集卷第九上

五  
陶亨雅堂叢書

諫後改璋字仲昂方在襁褓公主入朝抱以見徽仁裕  
聖皇后拍手呼之便匍匐投諸膝下后名之曰益智  
禮普化至年十六入朝世宗皇帝引見便殿隱几而臥  
問爾在國讀何書對曰有師儒鄭可臣閱漬在此宿衛  
之暇時從質問孝經論孟帝大悅試喚可臣來世子引  
與俱入遽起而冠責曰爾雖世子吾甥也彼雖陪臣儒  
者也何得令我不冠以見因賜坐問本國世代相傳之  
序理亂之迹自辰至未聽之不倦其後命公卿議征交  
趾有詔高麗世子之師二人召與同議二人議曰交趾



遠夷勞師致討不如遣使招來如其執迷不服聲罪而  
征之一舉可以萬全對稱旨於是可臣遙授翰林學士  
漬直學士時人榮之成宗初尙寶塔實憐公主受遜位  
於忠烈王大德二年卽王位任賢使能去邪革弊時有  
驛騎病肥驛卒病踵之語蓋人畜之習於奔走者得久  
閑必致此患以言使者之稀也公主之乳媪與本國思  
得之人潛謀以公主失愛訴於中宮以故召入宿衛者  
十年武宗仁宗龍潛與王同臥起晝夜不相離大德十  
一年王與丞相達罕等定策奉仁宗掃內難以迎武宗

益齋集卷第九上

去  
粵雅堂叢書

功爲第一封瀋陽王推忠揆義協謀佐運功臣駙馬都  
尉勲上柱國階開府儀同三司寵眷無出右者仁宗爲  
皇太子王爲太子太師一時名士姚燧蕭颯閻復洪革  
趙孟頫元明善張養浩輩多所推轂以備宮官至大元  
年忠烈王薨奔喪晝夜不息十餘日至王京及出殯斬  
衰之服步至山陵復土然後乃歸先世未嘗行也於是  
冊爲征東省右丞相高麗國王兼瀋王尋拜太師初本  
國權臣仍世專政集文士有才望者置之府中號政房  
百官陞黜皆令注擬啓於國王王不得已皆可之卽施

行焉宰相拱手奉行文書而已權臣亡政房之名猶在故執政承旨權重於宰相至是王謂安有宰相而不知銓選者乎遂以文資之選歸之典理而首相主之武選歸之軍簿而亞相主之官人之法頗近於古定田賦立鹽法修荒政杜侍門規模甚備而臣下莫能奉承成其美意故澤之及民者未洽有識至今惜之皇慶癸丑遜王位於世子江陵君謹燾一名阿刺忒實里尙英王女又尙魏王二女王有兄曰江陽君滋以非公主子不得立有子三人王愛撫如所生取第二子養之宮中名景

益齋集卷第九上

七

粵雅堂叢書

一名完澤禿令襲爵爲藩王尙梁王女王旣謝兩王位留京師邸稱病不朝請所居堂名濟美基德痛掃澆閉戶焚香竟日危坐飲酒至多平居不進一盃廐中唯飼一馬聲色之娛鷹狗之玩不萌於心唯酷嗜浮屠法捨本國舊宮爲旻天寺極土木之工範銅作佛三千餘軀泥金銀寫經二藏黑本五十餘藏邀蕃僧譯經受戒歲無虛月人或以爲言好之彌篤延祐初有鮮卑僧上言帝師八思巴製蒙古字以利國家乞令天下立祠比孔子有詔公卿耆老會議國公楊安普力主其議王謂安



普曰師製字有功於國祀之自應古典何必比之孔氏  
孔氏百王之師其得通祀以德不以功後世恐有二論  
事雖竟行聞者避之科舉之設王嘗以姚燧之言白於  
帝許之及李孟爲平章政事奏行焉其源蓋自王發也  
右丞相禿魯罷遣李孟至王邸諭以爰立之意王謝曰  
臣小國藩宣之寄猶懼不任乞付於子陛下許之矣况  
朝廷之上相哉安敢貪榮冒處以累陛下之明臣老矣  
專心事佛以祝聖壽臣之分也敢以死請帝聞之笑曰  
固知渠善避權也乃止其謹慎如此延祐己未請降香

益齋集卷第九上

六

陶雅堂叢書

南遊江浙至寶隄山蓋知時事將變冀以避患伯顏禿  
古思者本國少尹朱冕家奴也自宮爲闈寅緣事仁宗  
於藩邸佞險多不法王深嫉之伯顏禿古兒亦知其然  
思有以中傷者以帝及太后眷王之深不得發帝崩厚  
啗八吉思百計誣譖英宗不之察以學佛經爲名竄之  
吐蕃眷定帝召還京師欲使返初服之國爲王王固辭  
焉二年五月辛酉薨壽五十一在位凡七年王聰明強  
記凡事一經耳目終身不忘每論三代漢唐君臣得失  
袞袞不窮尤喜大宋故事嘗使其寮佐讀東都事略聽

至王巨李沈富韓范歐陽司馬諸名臣傳必舉手加額  
以致景慕之思至丁謂蔡京章惇等姦臣傳靡嘗不切  
齒憤惋其好賢嫉惡蓋天性云

益齋集卷第九上

五

粵雅堂叢書



13058

益齋亂藁卷第九上

譚瑩玉生覆校



益齋

讀經



13058